

Ang Tiunayng Kahulogan ni Gideon nga Isog nga Mag-aaway sa Dios

Basahong Kasulatan: Huk. 6—9

- I. Gipabangon sa Dios si Gideon nga isog nga mag-aaway Niya ug gisugo Niya nga luwason ang Israel (Huk. 6:12-14; itandi sa Juan 8:29) sa pagdaugdaog sa mga Midianhon (Huk. 6:1—8:32); makita gyod unta nato ang tiunayng kahulogan sa kalamposan ni Gideon:**
- A. Namati pag-ayo si Gideon sa pulong sa Dios, nga talagsaon diha sa mga anak sa Israel niadtong panahona:
1. Gusto gyod ang Ginoo nga ablihan ang atong mga igdulungog aron makadungog ta sa Iyang tingog ug makakita sa mga butang sumala sa Iyang pamatigayon—Bug. 1:10, 12; Job 33:14-16; Isa. 50:4-5; Exo. 21:6.
 2. Sa namulong ang Espiritu sa kaiglesiahan (Bug. 2:7), nagkinahanglan tang tanan og inablihan, sinirkunsisyonan (Jer. 6:10; Buh. 7:51), hininloan (Exo. 29:20; Lev. 8:23-24; 14:14), ug dinihogang igdulungog (vv. 17, 28) aron makadungog sa pagpamulong sa Espiritu.
- B. Nisugot si Gideon sa pulong sa Dios ug gibuhat kini—itandi sa Heb. 11:32-33:
1. Sa Bag-ong Tugon naa na nato ang kinabuhi ni Cristo sa pagsugot ug pagpasakop, ug kon maggawi ta uyon sa espiritu, diha-dayon matuman nato ang matarong nga gipangayo sa kasugoan—Fil. 2:5-11; Rom. 8:4.
 2. Kon ang tinagdan nato sa pagbasa nato sa kasugoan pagtagad ra sa mga sugo nga nasulat, maato ang kasugoan diha sa aspeto sa letra nga mopatay; apan, kon dawaton nato ang tanang bahin sa kasugoan ingon nga pulong nga giginhawa pagawas sa Dios nga atong gihigugma, maato ang kasugoan diha sa aspeto sa Espiritung taghatag-og-kinabuhi; mobuhat dayon ang kasugoan sa pagpaambit sa Dios mismo nga kinabuhi nganhi nato nga mahigugmaong mga nagtinguha Niya—Sal. 119:25, 116, 130; 2 Cor. 3:6; 2 Tim. 3:16-17.
 3. Ang lagsik kana mang buhi ug aktibo tungod sa pagkapuno ug pagkaputos sa Espiritu ug sa pagsangyaw sa ebanghelyo ug sa mga kamatuoran bisan anus-a ug bisan asa pinaagi sa pagtuon pag-ayo sa Pulong aron motubo ug mosanay ang Ginoo—Dan. 11:32; Buh. 13:52; 4:8, 31; 13:9; 2:38; 5:32; 2 Tim. 4:1-2.
- C. Giguba ni Gideon ang halaran ni Baal (ang punoang dios sa mga Canaanhon) ug giputol ang Asera (ang punoang diosa); nakatandog kini sa kasingkasing sa Dios kay gidumtan man Niya ang mga diosdios, nga giisip Niya nga mga lalaking gipamutahan sa Iyang asawa nga Israel; sa tiunay, ang diosdios bisan unsang butang man sa sulod nato nga gimahal nato labaw sa Ginoo ug nakapuli Niya sa atong kinabuhi—Huk. 6:25-28; Ezeq. 14:1-3.
- D. Sa pagguba niya sa halaran ni Baal ug pagputol sa Asera sa iyang amahan, gisakripisyo ni Gideon ang relasyon niya sa iyang amahan ug ang pagpahimulos niya sa katilingban aron mosunod ni Jehova; aron mabuhat ni Gideon kanang butanga isakripisyo gyod niya ang kaugalingon niyang mga interes, ug lig-ong hinungdan sa paglampos niya ang pagsakripisyo niya—Huk. 6:28-32.
- E. Tungod sa upat ka hinungdan nga nahisgotan na, nagantihan si Gideon—nikunsad kaniya ang mapatigayonong Espiritu (v. 34); busa, nagamhanan siya ug uban sa tulo ka gatos ra ka tawo gipildi niya ang duha ka prinsipe ug duha ka hari, nga dunay katawhan nga “sama sa panon sa mga dulon ang gidaghanon” ug “dili

maiha...ang ilang mga kamelyo” (v. 5; 7:25; 8:10-12); diha ni Gideon naa tay hulagway sa tawo nga nagkinabuhi nga nausa sa Dios, usa ka Dios-tawo, nga motuman sa pulong sa Dios ug mobuhat sa pamatigayon Niya.

II. Makita ang pagpili sa mga mananaog sa pagpili sa Dios ni Gideon ug sa tulo ka gatos ka tawo nga makig-away uban niya aron pildihon ang mga Midianhon—6:1-6, 11-35; 7:1-8, 19-25; 8:1-4:

A. Nagpakita ang sugilanon ni Gideon unsaon mahimong mananaog:

1. Kinahanglan makaila ta sa kaugalingon, makaamgo nga labing gamay ta—6:15; Efe. 3:8; Mat. 20:27-28; Gal. 6:3.
2. Kinahanglan makita nato ang langitnong panan-awon ni Cristo nga sentro ug uniberso sa walay kataposang pamatigayon sa Dios—Huk. 6:12; Buh. 26:16-22; Col. 1:17, 18; 1 Tim. 1:3-4; Fil. 3:8, 10.
3. Ihalad gyod nato ang atong kaugalingon sa Dios ingon nga buhing halad sumala sa maayo, makapahimuot, ug hingpit nga kabubut-on Niya aron ma-realidad ug makinabuhi ang Lawas ni Cristo (Rom. 12:1-5; itandi sa Huk. 6:21-24); kita gyod unta kadtong mamati ug motubag sa pagtawag sa Ginoo sa mga mananaog sa Bugna 2 ug 3—2:7, 11, 17, 26-28; 3:5, 12, 20-21; *Mga Alawiton*, #894.
4. Gub-on gyod nato ang mga diosdios nga naa sa atong kasingkasing, sa atong kinabuhi, ug sa atong buhat alang sa panghimatuod sa Ginoo, makaamgo nga sa usa ka bahin, dad-on ta sa Dios nga makapahimulos ni Cristo nga kinabuhi, kahayag, ug gahom, ug sa laing bahin, matinumangon ang Dios nga mopasinati nato og mga kalisod sa panalapi, mga pag-antos sa pagbati, mga pag-antos sa lawas, ug mawad-an sa natural nga pagkamaayo aron himoon nato si Cristo nga atong katagbawan, mapuno ta ni Cristo, ug paunahon Siya sa tanang butang—Huk. 6:25-28; Juan 10:10; 8:12; 2 Tim. 2:1; Col. 1:17, 18; 1 Juan 5:21; Job 22:24-26; Mat. 10:35-39; 2 Cor. 12:7-9; Job 1:1, 22; 2:9-10; 3:1, 11; 2 Cor. 4:5; 1 Cor. 2:2.

B. Makita ang pagpili sa mga mananaog sa pagpili sa tulo ka gatos; sa pag-ingon sa Dios ni Gideon nga daghan ra kaayo siyag tawo, gipasabot Niya nga makig-away Siya alang sa Israel; niresulta sa pagbiya sa kawhaag duha ka libo ang unang pagpili:

1. Gustong maghimaya sa ilang kaugalingon ang mga namiya—Huk. 7:1-2; Juan 5:41, 44.
2. Talawan ug nahadlok ang mga namiya—Huk. 7:3; Mat. 25:25; itandi sa Deut. 20:5-8.

C. Gitino ang ikaduhang pagpili sa inimnan sa mga tawo; gipapahawa sa Dios ang direktang nanginom sa ilang baba; gipili sa Dios ang mga nanginom nga nigamit sa ilang kamot sa pagdala sa tubig nganha sa ilang baba kay mga tawo sila nga nagdumili-sa-kaugalingon; sa pag-inom sa ingon niini, masingkamoton silang nagbantay sa pag-ataki sa kaaway—Huk. 7:4-6:

1. Kadtong dunay higayon nga magpasinunot sa ilang kaugalingon apan dili mobuhat niini mga tawo nga nagdumili-sa-kaugalingon ug nabatoka na sa krus, nisakripisyo sa personal nilang pahulay ug kaharuhay tungod ug alang sa tuyo sa Dios sa adlaw sa pagpakiggubat Niya—v. 7; Sal. 110:3.
2. Bug-os nga alang sa himaya sa Dios ang mga mananaog ug wala silay gikahadlok kondili kana rang makapasilo sila sa Ginoo ug mawad-an sa Iyang presensya (Exo. 33:14-16); gipabatoka nila sa krus ang kaugalingon (1 Juan 3:8; Heb. 2:14; Rom. 6:23; Gal. 2:20).

- D. Gihatagan sa Dios si Gideon og tulo ka gatos ka tawo ug gihimo silang usa ka lawas, nga gitiman-an sa “lingin nga tinapayng cebada” nga niligid agi sa kampo sa mga Midianhon aron mapildi sila ug makadaog ang Dios—Huk. 7:9-25:
1. Nagkahiusang nilihok ug nibuhat si Gideon ug ang iyang mga tawo ingog usa ka tawo, nga nagtimaan sa pagkausa diha sa Espiritu ug sa pagkinabuhi diha sa Lawas; nasakot sila pag-usa diha sa pagkabanhaw, nga gitiman-an sa cebada, nga maoy unang-mahinog nga lugas (6:16; 2 Sam. 21:9; Lev. 23:10; 1 Cor. 15:20), aron mahimong usa ka tinapay, nga nagtimaan sa iglesia (10:17).
 2. Gikan sa Daang Tugon kalabot sa halad nga lugas ang hunahuna ni Pablo sa iglesia nga usa ka tinapay (Lev. 2:4-5); kita ang daghang trigo (Juan 12:24) nga galingon aron mahimong pinong harina nga sagolag lana ug himoong tinapay sa iglesia (1 Cor. 12:24-25).
 3. Mag-atimanay ug maghigugmaay gyod ang tanang masigka-magbubuhay ug anciano aron mahimong sumbanan sa kinabuhi sa Lawas, sumbanan sa mga nagkat-on nga mapahiangay, masakot, ug mawala aron mobuhat sa tanan pinaagi sa Espiritu ug magpaambit ni Cristo sa usag usa alang sa praktikal nga kinabuhi sa Lawas—Rom. 12:1-5; itandi sa 2 Cron. 1:10.
- E. Nakig-away ug nangabudlay si Gideon ug ang tulo ka gatos ka tawo niya, apan ang tibuok katigoman maoy nigukod sa kaaway ug niani sa alanion, nagtimaan nga makadaog ngani ta, madasig pag-usab ang tibuok Lawas hangtod maghari sa yuta si Jehova nga kalinaw, si Jehova-shalom (Huk. 6:24)—7:22-25; 8:1-4; Col. 1:24; Sal. 128:5; Isa. 32:17; 66:12.
- F. Sa gigukod ni Gideon ug sa mga tawo niya ang mga hari sa Midian, “gikapoyan na [sila] apan nigukod gihapon” (Huk. 8:4); kay gikaluy-an man ta sa Dios nga mangalagad ug magkinabuhi diha sa realidad sa walay kataposang pamatigayon sa Dios, dili ta magkaluya (2 Cor. 4:1, 16-18); mangabudlay tingali ta hangtod kapoyan sa hilabihan, apan ang pagpangabudlay nato sumala man sa pagbuhay sa Dios, nga nagbuhay sa gahom sa sulod nato (Col. 1:28-29; 1 Cor. 15:58).

III. Makita gyod unta nato ang tiunayng kahulogan sa sekreto sa pagkapakyas ni Gideon:

- A. Una, walay puangod si Gideon; gipamatay niya ang mga katagilungsod nga wala mosuporta niya (Huk. 8:16-17), gilapas ang ikaunom nga sugo sa Dios (Exo. 20:13); gidala ta ni Cristo, nga kalulot sa Dios, nga maghinulsol (Rom. 2:4; Tito 3:4; Efe. 2:7).
- B. Ikaduha, nagpasinunot siya sa pangibog sa unod (itandi sa Gal. 5:16; Rom. 8:4), wala gyod magpugong sa unodnon niyang pangibog; gipakita kini sa Mga Maghuhukom 8:30, nga nagsulti nato nga dunay kapitoan ka anak nga lalaki si Gideon, “kay daghan man siyag asawa”; dugang pa, nanganak sab kaniyag anak nga lalaki ang iyang puyopuyo sa Shechem (v. 31); sa ingon niini gilapas ni Gideon ang ikapitong sugo (Exo. 20:14).
- C. Ikatulo, bisan husto ang gibuhay ni Gideon nga dili mohari sa katawhan (Huk. 8:22-23), naibog siya sa inagaw sa iyang katawhan (bulawang mga ariyos nila), sa ingon niana gilapas ang ikanapulog sugo, ug gihatag nila kini kaniya; naghimo si Gideon og ephod ginamit ang bulawan nga gikuha niya sa katawhan, ug nahimong diosdios sa mga anak sa Israel kining ephod (vv. 24-27; Exo. 32:1-4 ug nota 1 sa v. 2); tungod niana, nadaot ang pamilya ni Gideon ug ang tibuok katilingban sa Israel.
- D. Ang Mga Maghuhukom basahon kalabot sa pagpahimulos sa maayong yuta,

nga hulagway ni Cristo; nagpakita ang kalamposan ni Gideon sa pagpakabaton og maayo kaayong higayon nga makapahimulos ni Cristo, apan nagpakita ang kapakyasan niya sa pagkawala sa higayon nga makapahimulos ni Cristo.

IV. Ang pagpasinunot ni Gideon sa pakighilawas ug ang kahangol niya sa bu-lawan naghatod niya sa pagsimbag mga diosdios (Col. 3:5), ug pulos na-lambigit sa pagsimbag mga diosdios ang pakighilawas ug kahangol (Efe. 5:5); nagpakita nato ang kapakyasan niya nga hugot gyod tang magpugong sa pagtagad nato sa mga butang kalabot sa pakighilawas ug bahandi:

- A. Bisan si Haring Salomon, nga gihimaya sa gingharian sa Israel sa katahom niadtong ginghariana sa kinalabwang kahimtang niini (1 Hari 4:34; 8:10-11) ug nagsugod isip tawong mahadlokong ug mahigugmaon sa Dios, sa kapulihay nahimo mang tigsimbag diosdios tungod sa daghang langyaw nga asawa niya (11:1-13; tan-awa ang nota 1 sa v. 43).
- B. Sa namatay na si Gideon, nagsugod ang pagkadaot sa Israel tungod sa pagbiya nila ni Jehova nga ilang Dios ug sa pagsimba nila sa mga diosdios sa mga Canaanhon, nga niresulta sa pagpasinunot nila sa unodnong pangibog; gipatay sab sa anak nga lalaki sa puyopuyo ni Gideon, nga si Abimelech, ang kapitoan sa ubang anak nga lalaki ni Gideon, samtang nakaikyas si Jotam, nga usa pa ka anak nga lalaki—Huk. 8:33—9:57.
- C. Maisogong gipahayag ni Jotam ang usa ka samingay sa paghari ni Abimelech ingog paghari sa sampinit batok sa mga tawong sama sa mga kahoyng olivo, mga kahoyng higera, ug mga punoan sa paras, nga nisalikway sa ambisyon ug nahimong palatayanan sa sangkap sa katawhan sa Dios (vv. 8-13); gibalosan sa Dios ang pagkadaotan ni Abimelech (vv. 14-55), nga gibuhat niya sa iyang amahan sa pagpatay niya sa kapitoan ka igsoong lalaki niya; ug gipabalik sa Dios ang tanang pagkadaotan sa mga tawo sa Shechem sa kaugalingon nilang ulo, ug nidangat nila ang tunglo ni Jotam nga anak nga lalaki ni Jerubaal (Gideon—6:32) (9:56-57).
- D. Sa kalamposan ni Gideon nakig-usa siya sa Dios, apan sa kapakyasan niya nakig-usa siya ni Satanas; ang pagbiya sa Dios ug pakig-usa ni Satanas pagsulod man nganha sa tiunayng ambisyon ning daotan—Isa. 14:13-14.
- E. Wala tay katungod nga makigbulag sa Ginoo ug wala tay hinungdan nga mobiya Niya; dawaton, higugmaon, pasidunggan, tahoron, tagdon, ituboy gyod nato Siya, ug mokapyot ta Niya, hingpit gyong isalikway si Satanas; mabulahan dayon ta; bulahan ang tanan—nasod, katilingban, grupo, ug tagsatagsa ka tawo—nga si Jehova maoy Ginoo, Ulo, Hari, ug Bana—Sal. 33:12.